


崇
明
縣
志

第
一
冊

地210.33
42
部= 10012

崇
 仰
 縣

民國己巳年
 余月純吟署



己未續
 命子成稿
 丙寅開
 庚午刊



崇明縣志序

郡縣志例於史宜寬其文宜詳前人既言之矣然更數十年一修每修而寬且詳焉則一邑之志皆將汗牛馬充棟宇可乎惟有要焉得其要則詳焉亦簡寬焉亦嚴文不繁而事增辭不濫而義備斯亦豈易言哉吾邑經五遷志凡八修其故家遺俗流風善政逐洪飈巨浸以淪胥者既渺焉不復可知而猶撮拾於流離播蕩之餘存文獻於什一者實惟志焉是賴則志之任其孰勝之宣統辛亥之變國事紛屢凡百更始天下從風而靡政令之歧賦役之繁官治民治之弛張學校選舉之得喪人心風俗之淳澆爲秦漢二千年來一大乘除凡先代掌故無良窳無利害一切厭棄之不講海隅之地被其影響亦匪渺矣抱殘守闕之士懼杞宋之無徵焉適有續

崇明縣志

卷之一序

一

修江南通志之舉己未仲夏邑修志議成謬以不佞能勝其任督之載筆賴同人採訪之勤分纂之勞閱時六載削稿始成是何淹也蓋以檔吏汰散官書之調勘難故老傳疑見聞之徵信難故志之難非僅體例也事實徵討不詳備則漏人物摻采不謹嚴則濫與受公毀毋寧私怨昔德卿黃先生之修前志也當時頗詆之惟其過謹焉或有漏也然視前志得失較然矣顧朱志失實沈寓譏之張志多誣宋孔傳辨之趙志疏略張詒補之又豈盡無當哉夫言之匪艱行之惟艱則茲編也將必有議於後者果能正其不謹而補其所不備焉則不勝厚幸也已甲子孟秋邑人曹炳麟序

崇明縣志重修職名

監修

署理 崇明縣知事 倪文德 字禹階 浙江紹興人

調署 崇明縣知事 賴豐熙 字葆忱 福建駐防舉人

調署 崇明縣知事 張允高 字藻翔 直隸豐潤人

署理 崇明縣知事 林韶榮 字輝如 福建侯官人

署理 崇明縣知事 嚴翼 字燕庭 福建建安舉人

署理 崇明縣知事 王珪 字晉民 浙江杭州人

署理 崇明縣知事 吳鵬 字凌霄 河南固始人

署理 崇明縣知事 仲頤 字少梅 浙江杭州人

主修

前三品卿銜浙江清理財政正監理官 王清穆 字丹揆 庚寅進士 邑人

崇明縣志

職名

一

總纂

前同知銜安徽揀選卽補知縣 曹炳麟 字吟秋 庚子辛丑舉人 邑人

駐局兼分纂

廣 增 生王春林 字蓉清 邑人

分纂

前部選獨山州州 同嚴師孟 字亞鄒 增貢生 邑人

廣 增 生陸燦昕 字賓谷 邑人

廩 貢 生施祖恒 字桂冬 邑人

附 貢 生祝燮綱 字佐平 邑人

徵訪

前湖北荊州府通判 張模 字鷺翹 廬附生 邑人

附

貢

生龔權達

字志葵邑人

增

廣

生黃瀏

字鑄侯邑人

例

貢

生施徵睿

字少巖邑人

舉

人蔡日暄

字霽峰邑人

歲

貢

生郭庭楹

字躍蟠邑人

歲

貢

生陳善倫

字子香海門人

總校

廩

貢

生陸燦英

字熾青邑人

分校

前

陸

軍部

主

事馮閻模

字悅甫附貢生

前

署

湖北

公安

縣知

縣嚴師愈

字友潮貢生邑人

舉

人樊燧春

字柳江邑人

崇明縣志

職名

二

前

七

品

小

京

官張清澤

字士康舉人邑人

繪圖

附

生蘇人權

字穉卿邑人

國

學

生施曾陶

字亞參邑人

校刊兼繕寫

童

生陸祖彬

字佩君邑人

崇明縣志目錄

卷一

凡例

圖說

卷二

地理志一

疆域

形勢

沿革

表附

晷度

氣候

占驗附

潮汎

山川

卷三

地理志二

沙狀

村鎮

津渡

橋梁

古蹟

壇廟廟墓附

卷四

崇明縣志

卷之一 目錄

地理志三

風俗

教門附

方言

物產

卷五

河渠志

水道

水利

隄壩

墩附

卷六

經政志一

田制

戶口

賦稅

祿餉

雜支附

鹽法

卷七

經政志二

城池

街巷附

公署

義局

公田義塚附

倉廩

蠲賑

採買

海塘

公田公費附

卷八

學校志

學宮

書院 灑掃 費學田均附

學堂

卷九

武備志

兵制

汛地

營產附

警舖

警察 郵局附

兵事

卷十

職官志

名宦

文官表

武官表

卷十一

人物志一

忠節

孝友

宦績

武功

崇明縣志

卷之一

目錄

二

卷十二

人物志二

儒林

文苑

俠義

賢良

隱逸

藝術

釋道

寓賢

卷十三

人物志三

選舉表

學堂獎給出身 紳宦封贈均附

卷十四

人物志

列女

一節婦

卷十五

人物志

列女二 烈婦 貞女 烈女 孝女 賢婦 才媛

卷十六 藝文志

經部 史部 子部 集部 金石

卷十七

雜事志

雜事 災異

卷十八

志原

崇明縣志卷一

凡例

一遵班史斷代之例踵前志至宣統三年止變革而後諸務紛更正朔不承應別作附編庶免凌雜以俟續纂

一前志體例應酌改者如地理不先現轄疆域而首詳沿革既書實測暑度而仍名星野闕氣候潮汎而別詳風土略溝洫水利而雜記河名沙狀則區界不明古蹟則廢存混列鄉村鎮市不宜入建置之門津渡橋梁未可略交通之路祠墓可併歸古蹟水利當兼誌隄墩又賦役志丁糧折徵已久既無役之可言雜稅名目繁興非僅田之有賦里排固司辦糧要殊力役採買自關民食何與徵徭鹽法當立專門海運更非邑政附諸蠲賑義實未安名宦以功德崇明縣志

卷之一 凡例

一

及民生爲主豈遺愛淺深視官秩崇卑而判人物當比事屬類而書乃列傳編次循時代先後爲差此皆量爲改訂者也

一前志分編十八列目五十五其分裂合併間涉牽強比附不倫今依通志續修例酌分編次一曰地理風俗併焉二曰河渠三曰經政賦稅併焉復併壇廟祠墓爲古蹟與坊表津渡橋梁悉入地理隄岸壩墩入河渠城池街巷公署倉廩義局海塘入經政而建置刪焉四曰學校五曰武備六曰職官名宦併焉七曰人物選舉列女併焉八曰藝文金石附焉九曰雜事災異併焉十曰志原凡爲綱者十而目則六十有一

一疆域舊界四山自雍正劃沙十二隸通州乾隆劃沙十一



撥海門狼山舊界已非邑有而北境漲沙犬牙錯雜在在
侵混南境新沙又爲寶山侵佔釀訟萬端爲民大感茲查
明歷勘界址定案準沿境沙向標明界線附圖詳說以正
幅員

一前志沿革不詳土田坍塌畝數致桑海變遷無從較核今
移田制目歷屆丈見地畝度長絜短樹盈酌虛見海濱浮
土匪可例內地膏腴焉

一河渠分官河民溝略仿禹貢水經分條詳誌經流按段列
敘支派循通行路徑以至入海港口其有關水利要道或
淤塞不通蓄洩無備皆特爲標識附以圖說而前志治蹟
各條酌入焉

一沙狀畧域年遠失稽兼以坍塌靡定豪強蠹吏紊亂邱圖
崇明縣志

卷之一 凡例

二

錯綜苗位弊混至難究詰爭田繁訟職是之由前志於田
制不甚詳備道咸以後外沙塗蕩弊益叢滋未能條舉致
考政者披尋愴恍深用疚然今特加意審詳俾資循覽
一本邑田賦係經制定額非沿海沙洲未起科者與比以海
壤土浮特定輕則然自萬曆時題定額徵稔歉永無增減
亡絕由民賠墊歷年清解未有例欠况季世煩徵層加苛
稅怨咨頻作可畏民畧故特詳賦稅源委以爲恤民瘼者
告

一志人物所以章文獻也非如家乘稗官鋪揚失實當分立
傳目依類而書例不妨從寬事必求徵實與其濫徇勢要
毋寧搜闡幽潛其有家學淵源名德代著或事功相類文
行等倫自當父子同編不妨異族合傳其功德卓越大節

炳然者爲之特立專傳略見史法惟現存者不列前志依年編敘漫漶無倫遂使挾門第以求徇私情而應南郭濫竽虛占篇幅而於先賢行誼轉略不詳以矜高簡詎足信徵雖例沿通志然清臣載筆於明季諸忠率多牽忌不立門類乃便諱避徵諸歷史無此前例何可適從

一列女亦人物也劉向作傳係屬別裁而班范兩書未嘗外諸列傳自當例從正史殿諸人物之終其事實足徵者按其節行才藝合傳分書各從義例不當專重貞節僅列姓氏有同卯冊凡前志節婦無事可志者別彙一編以存梗概

一本邑故事官書記載無多私家著述亦復寥落前志考證較舊志爲詳凡例稱徵討羣書至百餘種而不詳書目茲

崇明縣志

卷之一 凡例

三

惑實多惟史例略古詳今凡研核典故除正史官書而外以公文案牘爲宗若夫末流多弊書不盡徵則惟依據見聞實事實書要於詳覈

一近世輿圖皆準實測分經列緯區畫方里邑境易於變遷舊圖已不適合茲準上年本省輿地測量局圖稿縮成方幅爲總圖並分繪內境外沙各鄉區附標沙狀界域爲分圖皆有詳說焉

一前志藝文但列著作人名書目不下千餘而存者百無一二豈先賢遺著皆蕩佚無存抑傳述實有虛假歟今略仿班書備誌書目分別四部略著專家或原書訪得則標舉書中義旨酌取序文附入夾注存其崖略若其文關繫掌故則採入各志或詳敘本傳更有格於義例無類可歸而

文辭雅馴愛難割捨雖片鱗斷爪皆文獻所存應仿會稽章氏和州文徵例別刊崇明文類以訂墜遺惟夫金石則肇域未久雅古無聞偶有收藏皆遠方遺蹟與邑無關例難掠美茲略紀一二附諸藝文以備考爾

一前志祲祥沿襲古史邇者物理昌明志怪書祥通人所訾然邑境頻海風災潮患實禍民生豈能闕焉不載至人痾物痾草木之妖事不經見者不妨以雅正之文示鑒戒之義併諸雜事亦通志例焉

一志原詳敘本志歷修原委而附諸序於夾注並述本屆纂修緣起俾後之君子有所考焉



崇明縣志卷二

地理志

崇明之地以水為命長江發源青海歷岷山而蜀楚豫章徑吳入海經流九千餘里挾泥沙而下委延乎兩厓之間海水逆之則流緩而沙澱故自江陵以下洲渚極多况江海之交尤眾流駢集泥沙奔委之處則其有崇明也固宜惟江流緩急無常故崇地滄桑靡定緩則沙日漲急則土日削漲削既頻形勢時異治城更五遷而沙洲之淪沒以百計自有土以來鎮於唐場於宋州於元縣於明清歷千載有餘而屹然為長江門戶豈偶然哉在昔倭寇擾疆嘗以崇明為江防重鎮今寰海交通江海之濱率為中外互市之場五洲人士披覽我國輿

崇明縣志卷之二 地理

一

圖者殆無不知有崇明則其疆域沿革以及風俗物產烏可略乎志地理

疆域

郡縣皆有分境而崇明獨分水面蓋地懸巨浸流徙毋漲疆域靡得而定自元建治定制以流水分疆明宣德間巡撫周忱復奏定狼山以南寶山以北西起福山東迄佘山其中水面皆為崇境以漲補坍使彈丸之地常屹然在江海間為萬世不易之經故歷年爭界之案皆準是以判迨清雍正十三年撥十二沙山前承興扁擔大年小年萬盛隸通州乾隆三年龍珠三角丁家藤盤楊椿湯家隸通州乾隆十三年割十一沙半洋富明太平烏桂復興大為海門廳地洪熾臺永年大安小安日盛而西北之境蹙光緒初與寶山爭崇寶沙判中分為界而東南之境又蹙惟同光以來東北諸沙漲合江北岸與海門接

壤於是崇地形勢中隔帶水即長江或北流俗稱北海其南為本地俗稱

內流水環之治城在焉其北為外沙亦曰北沙西北連陸東南距

水故今之疆域西臨江東漸海北界海門南接常熟太倉寶

山上海川沙而東部轄境至佘山之外四礁花鳥陳錢諸島

雖離治較遠獄訟罕至賦役不及然固邑之東鄙已

崇明治城在長沙東至朝陽港一百里西至協安沙嘴五十

里南至海塘不及一里北至小監河三十里

又北境江面二十里至月牙港又二里至協旺沙北界河共

五十二里東北至惠安沙東灘水陸共一百四十里西北至

海門自十里至二十里不等凡東西距一百五十里南北距

水陸自二十餘里至百里不等面積都四千五百餘方里

又東境海面自朝陽港至佘山凡十里又自蠟山至花鳥山

崇明縣志

卷之二 地理 疆域 二

周圍二三百里

又南境江面西南至太倉七鴉口二十五里至新塘口二十

五里西至常熟福山界五十餘里南至寶山石洞口三十五

里東南至吳淞口五十一里皆轄境也

縣治在蘇州城東北略東徑一百三十九里計程水陸一百

六十三里依同治五年江南測繪與圖局所測量在太倉州城正東略北徑六

十二里計程水陸六十八里至江寧省城陸程七百四十里

沂江水程九百里至京師陸程二千六百八十三里過姑蘇驛海

程二千四百七十九里

按雍正志稱據舊志疆域東臨大海南抵吳淞江雞犬相聞北去海門縣不遠西迨西沙至正統間季仲怡作疆域志稱南去吳淞江一百五十里西隔西沙海水七十餘里廣三十里餘表兼新張之塗約三百里餘仲怡云較之舊聞懸絕太甚然以今視昔又大不同故父老相傳猶有地圻民逃之語云云乃今距雍正志時纔二百年而形勢又

絕不同則變遷之甚可知矣

附勘案舊志云崇明富江海之衝土性鬆浮易於坍塌阜聳峙為可倚也崇也使徒以地形為界則被坳者既付洪流而新漲者又遭強食自元以來奏定流水分界之例非有所獨厚於崇也崇實賴之以存蓋崇無疆域可指指浩渺無涯之水為疆域而已以浩渺之區偶有微塵泡影而猶有覬覦之攘奪之者崇將何以圖存乎故附載成讞以見舍是無以保崇之疆域是猶建國之寶書御師之成命也

元至元中新漲營前沙與海門人爭據不決卒以海水俱屬三沙河泊所辦課斷歸崇

明嘉靖四十年新漲高明沙與常熟縣界相近互爭卒按奏准流水制斷歸

萬曆七年南境新漲竹排沙即聯福沙與嘉定縣界相近互爭巡撫檄知縣何懋官與嘉定縣高薦會勘按流水制

崇明縣志 卷之二 地理 疆域 三

判歸二十八年新漲小陰沙與海門縣界相連海門人潘秉誠爭之邑人陳宏亮赴部籲聞命內監履勘嗣奉旨照流水界立石沙疆兩不相越又南境新漲永平沙近常熟縣界常熟人爭之邑人詣省陳明以流水難混判歸邑境

天啟元年江陰人汪國寵指永平沙為江陰之富隆沙知縣唐世涵申請巡撫委員履勘以流水為界歸邑轄清雍正十三年扁擔沙漲連通州界通崇互爭經大通道勘議自大安戲臺等沙以南歸邑境嗣後新漲如毘連舊沙即附舊沙陞糧隔水不得混併

乾隆二十八年北境富民沙漲連劃歸通州之通興沙通州人爭之三十一一年巡道勘定與通興沙隔有流洪

應各以老塍爲準日後淤滿以中心爲界依二十二年
界碑劃分四十年北境突漲永昌沙海門人黃升玉報
升爲大安戲臺沙洪南新漲布政使檄南匯知縣成汝
舟會勘是沙實在中洪以南應歸縣轄四十六年北境
新漲永泰沙知縣張感熊會同海門同知按流水定制
判歸縣轄五十一年突漲協旺沙五十七年蘇松太道
常鎮道會勘歸縣轄總督蘇凌阿奏定以廳轄半洋永
各鎮二碑一立界所一立縣大堂後海門倪裕陳紹文
邑廩生徐華臨先後控奉部議定後崇海沙地按協旺
沙案劃界如在海境老領接漲者歸海升科崇境老領
接漲者歸崇均撥若洪心突漲在廳境者照例入官召
買在崇境者由里排繳價分買惟廳民不得買縣地縣民不得買廳地

嘉慶七年永泰沙與海門天南沙之間突漲利民沙蘇
松太道常鎮道並勘定歸足永泰老額之外分三股南

崇明縣志

卷之二

地理

疆域

四

崇北海中歸蘇州普濟老婦育嬰三堂公田

道光二十三年惠安沙北漲洋漲沙總督壁昌檄太倉
州會同廳縣勘定是沙南與惠安接壤北距廳境較遠
判歸邑轄

咸豐五年利民沙堂地坍削或指洪南永旺沙爲堂地
復阜布政使委員履勘乃包洪施丈將永旺沙草灘及
洪流俱抵作堂地又欲以永旺熟地足之衆不服遂以
圩外灘地足之名曰兌熟歸堂而流水之制紊矣後數
年海門人張雲上等據拾坍案以圖永旺向西接漲之
地訟久未息至同治十三年經巡撫斷定南歸崇明北
歸海門仍如乾隆五十一年協旺沙案分界按崇漲各
鄰境遠隔迨積漲日久往往深洪變爲線水然既有流
水則疆界犁然本無容其爭執自巧借名目或曰復阜